

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेन्द्र मोदी होरें पहलगाम च सैलानिएं पर होए दे आतंकवादी हमले दी सख्त निंदेआ कीती ऐ। इस हमले च 26 लोक मारे गे न। मोदी होरें आखेआ ऐ जे इस वैहशियाना हमले दे कसूरवारें गी बख्शेया नेई जाहग।
2. गृह मंत्री अमित शाह होरें पहलगाम हमले दी पच्छोकड़ै च श्रीनगर च इक उच्ची सतह दी बैठक ला।
3. पहलगाम आतंकवादी हमले मगरा समूलचे जम्मू-कश्मीर च सुरक्षा बवस्था निग्गर। बन्ने आहले जिले पुंछ ते रजौरी सने कश्मीर घाटी च सतर्कता बधा दिती गो ऐ।
4. अमरीकी राष्ट्रपति डोनाल्ड ट्रम्प ते रूस दे राष्ट्रपति व्लादिमीर पुतिन हुंदे सने दुनिया भरै दे नेताएं पहलगाम आतंकवादी हमले दी निंदेआ करदे हो। भारत कन्नै इक्कजुटता जता ऐ।
5. नगरोटा विधानसभा हलके च उपचुनांस ले मतदाता पंजीकरण दा आखरी चरण जारी ऐ। फार्म जमा करोआने दी खीरी तरीक 24 अप्रैल ऐ।

<><><><><><>

PM Pahalgam Attack

कश्मीर घाटी दी मशहूर सैलानी थाह पहलगाम च कल होए दे इक बुजदिलाना आतंकी हमले च किश आतंकवादिएं, सैलानिएं दे इक समूह उप्पर गोलीबारी करी दिती। उआं इस आतंकवादी हमले च मारे गेदे लोकें दी गिनतरी बारै सरकारी तौर अजें को बयान जारी नेई कीता गेदा ऐ पर सरकारी सूतरें मूजब इस हमले च 2 विदेशी नागरिकें ते 2 मुकामी कश्मीरिएं सने कुल 26 लोकें दी मौत हो गेदी ऐ। तोआई प्रधानमंत्री नरेन्द्र मोदी होरें इस वैहशियाना आतंकवादी हमले दी सख्त निंदेआ कीती ऐ। उ'नें आखेआ ऐ जे इस हमले दे कसूरवारें गी बख्शेया नेई जाहग। प्रधानमंत्री मोदी होर सउदी अरब दा अपना दौरा अद्द-बश्कार छोड़ियै मुख्य परतो आए न। मुख्य पुज्जदे गै श्री मोदी होरें ब्हा अड्डे पर गै इक बैठक लाइयै विदेश मंत्री डाक्टर एस. जयशंकर, राष्ट्री सुरक्षा सलाहकार अजीत डोभाल, विदेश सचिव विक्रम मिसरी ते होरनें सरबंधत

अधिकारिणं दे कन्नै हालात दा जायजा लैता। तोआई राष्ट्रपति द्रौपदी मुर्मु ते उपराष्ट्रपति जगदीप धनखड़ होंरें पैहलगाम च होए दे वैशियाना आतंकी हमले दी सख्त निंदा कीती ऐ।

<><><><><><>

Amit-Shah Meet

केन्द्री गृह मंत्री अमित शाह होंरें पैहलगाम च होए दे आतंकवादी हमले दे बाद जंदी रातीं श्रीनगर च इक उच्ची सतह दी सुरक्षा जायजा बैठक दी प्रधानता कीती। लेफ्टिनेंट गवर्नर मनोज सिन्हा, मुखमन्त्री ओमर अब्दुल्ला, केन्द्री गृह सचिव गोविंद मोहन, आ॥बी दे प्रमुख तपन देका, जम्मू-कश्मीर पुलसा दे डैक्टर जनरल नलिन प्रभात ते होर दुए सीनियर अधिकारिणं इस बैठका च हिस्सा लैता। सूतरें दस्सेआ ऐ जे श्री शाह हुंदा अज्ज पहलगाम दे नेड़े बा॥सरन च आतंकवादी हमले आहली थाहें दा दौरा लाने दा बी कार्यक्रम ऐ। इस मौके पर लेफ्टिनेंट गवर्नर मनोज सिन्हा होर बी उं'दे कन्नै होडन। शाह हुंदा इस दरान चश्मदीदें कन्नै गल्लबात करने ते अस्पताल जाइयै जखिमणं कन्नै मिलने दा बी कार्यक्रम ऐ।

<><><><><><>

Security Beefed Up

पहलगाम च सैलानिणं पर होए दे कायराना आतंकवादी हमले दी पच्छोकड़ै च समूलचे जम्मू-कश्मीर, खासकरियै बन्ने आहले जिलें पुंछ ते रजौरी च सुरक्षा बवस्था निगगर करी दिती गे॥ ऐ। पुंछ जिले च मुगल रोड पर 25 जांच नाके स्थापित कीते गे न ते हर औने-जाने आहले दी खरी चाल्ली जांच कीती जा'रदी ऐ। तोआई कश्मीर घाटी च बी सुरक्षाबलें सतर्कता बधा॥ दिती ऐ। फौज, सीआरपीएफ ते जम्मू-कश्मीर पुलिस आसेआ सांझा अभियान चलाया जा'रदा ऐ। हमले गी अंजाम देने आहले आतंकवादिणं दे सफाये ले॥ सुरक्षाबलें दे बाद्दू जोआनें सने खोजी कुतें दी मदाद बी लैती जा'रदी ऐ। गुलमर्ग ते सोनमर्ग जनेही सैलानी थाहें पर सुरक्षा बधा॥ दिती गे॥ ऐ श्रीनगर ते अनंतनाग च एमरजेन्सी हेल्प डेस्क स्थापित कीते गे न।

<><><><><><>

Local Candle Marcy

पहलगाम दे मकामी लोकें सैलानिणं पर होए दे आतंकी हमले च मारे गेदे लोकें गी श्रद्धांजलि देने ले॥ कैंडल मार्च कड़्डेआ। तख्तियां ते मोमबतियां हत्थें च लेइयै लोकें आतंकी हमले च

जान गंवाने आहले लोकें ले॥ इंसाफ दी मंग कीती ते इलाके च शांति बहाल करने दा आहवान कीता। जम्मू दे डोडा ते होरनें इलाकें च बी लोकें इस आतंकी हमले दी निंदेआ कीती ते इंसाफ दी मंग कीती। पहलगाम दे इक मकामी युवा नै गल्लबात करदे हो॥ आखेआ।

<><><><><><>

J&K Bandh

पहलगाम च सैलानियें दी बेरहमी कन्नै हत्या करने उप्पर पूरे जम्मू-कश्मीर च रौह् रौस्सा जारी ऐ। बक्ख-बक्ख संगठनें आसेआ अज्ज विरोध प्रदर्शन करने दा आहवान करने दे चलदे पूरे जम्मू च सुरक्षा गी होर मजबूत कीता गेआ ऐ। शांति ते कन्नू बवस्था बना॥ रखने ले॥ एहतियात दे तौरा उप्पर संवेदनशील इलाकें च पुलस ते अर्धसैनिक बलें गी पैहले गै तैनात कीता गेआ ऐ। पूरे पुंछ च बी अज्ज बंद रक्खेआ गेआ ऐ। घाटी च बपार ते यात्रा सरबंधी संगठनें सांझे तौरा पर कश्मीर बंद दी घोषणा कीती ऐ। चैंबर ऑफ कामर्स, होटलियर क्लब ते ट्रेवल एसोसिएशन नै बी सांझे तौरा पर बंद दा आहवान कीता ऐ। खबरें मताबक सेना दे उत्तरी कमान दे कमांडर लेफ्टिनेंट जनरल एम.वी सुचेंद्र कुमार होर अज्ज श्रीनगर पुज्जा करदे न।

<><><><><><>

UPSC-Results JK

इक बड्डी उपलब्धि दे तैहत जम्मू-कश्मीर थमां 12 ते लद्दाख थमां 2 मेदवारें, यूपीएससी सिविल सेवा दा म्तेहान पास कीता ऐ। रजौरी जिले थमां इरम चौधरी नै 40मीं थाह जिसलै के जम्मू-कश्मीर पुलसा च अपनी सेवां देआ करदे मोहम्मद मुनीब भट नै 131मीं थाह हासल कीती ऐ। एहदे शा पैहले पिच्छले बरें जम्मू-कश्मीर थमां 11 मेदवारें, एह म्तेहान पास कीता हा जिंदे च 7मां रैंक हासल करने आहली अनमोल राठौर बी शामिल हिंआं।

<><><><><><>

Nagrota-Bypolls

नगरोटा विधानसभा हलके च होने आहले उप-चुनांs ले॥ मतदाता सूचिएं दी बशेश नजरसानी आहली प्रक्रिया दे तैहत जम्मू दे जिला चुनांs अधिकारी होरें फार्म 9, 10 ते 11 दे राहें सियासी पार्टिएं दे नुमाइंदें कन्नै नामंजूरिएं, दावें ते ऐतराजें आहली सूचियां सांझी कीतीआं

न। एह मतदाता पंजीकरण दा आखरी चरण ऐ। योग्य नागरिकें गी आग्रैह कीता गेआ ऐ जे ओह सरबन्धत BLO, सहायक E.R.O जां E.R.O कश 24 अप्रैल तगर अपने आवेदन जमा करोआ देन।

<><><><><><>

Dy. CM Attack

उपमुख्यमंत्री सुरिंदर चौधरी होरें पहलगाम च सैलानिएं पर होए दे आतंकवादी हमले दी सख्त निंदेआ कीती ऐ। उ'नें आखेआ ऐ जे ऐसी हिंसक वारदातें दे राहें प्रदेश दी अर्थबवस्था गी जोफ पुजाने दि'आं साजशां कर्दे बी कामयाब नेई होडन। उपमुख्यमंत्री होरें लोकें गी जकीन दोआया ऐ जे सरकार, खिते च रमानदारी ते सुरक्षा ले वचनबद्ध ऐ। उ'नें आखेआ ऐ जे जम्मू-कश्मीर नै सदा दिल खोलियै सैलानिएं दा सोआगत कीता ऐ ते इस चाल्ली दे बुजदिलाना हमलें गी कर्दे बर्दाश्त नेई कीता जाहग। इस बारे च मीडिया कन्नै गल्ल करदे हो उपमुख्यमंत्री होरें आखेआ

<><><><><><>

World-Leaders

पहलगाम च सैलानिएं पर होए दे आतंकवादी हमले दी दुनिया भरै दे नेताएं सख्त लफ्जें च निंदेआ कीती ऐ। अमरीका दे राष्ट्रपति डोनाल्ड ट्रम्प होरें प्रधानमंत्री मोदी होरें'गी पूरी मदाद दा जकीन दोआंदे हो भारत दे लोकें प्रति हमदर्दी जता ऐ। रूस दे राष्ट्रपति व्लादिमीर पुतिन होरें बी इस हमले पर प्रतिक्रिया दिंदे हो आखेआ ऐ जे कसूरवारें गी बखशेया नेई जाना लोड़चदा ऐ। संयुक्त अरब अमीरात नै बी बेदोसे सैलानिएं पर आतंकवादिएं आसेआ कीते गेदे हमले दी सख्त निंदेआ कीती ऐ। उत्थे गै नमीं दिल्ली च ारान दे राजदूती दफतरै, मारे गेदे लोकें दे परोआरें प्रति हमदर्दी जाह करदे हो जखिमएं दे तौले नरोए होने दी कामना कीती ऐ। इज़राएल दे प्रधानमंत्री होरें बी इस वैहशियाना हमले दी निंदेआ करदे हो आखेआ ऐ जे आतंकवाद खलाफ लड़ा च इज़राएल पूरी मजबूती कन्नै भारत कन्नै खड़ोते दा ऐ। अस्ट्रेलिया दे प्रधानमंत्री एन्थनी एल्बनीस होरें बी इस हमले दी निंदेआ करदे हो मारे गेदे लोकें दे परोआरें प्रति हमदर्दी जता ऐ।

<><><><><><>

Vibrant Village Poonch

केंद्र सरकार दी योजनाएं गी सहयोग देने ते सामुहिक विकास गी बढ़ावा देने ले। 5th J&K NCC इका नै भारत-पाकिस्तान बन्ने दे कोल गौरमेंट हायर सेकेंडरी स्कूल, झुलस च वाइब्रेंट विलेज कार्जक्रम द आयोजन कीता। इस कार्जक्रम दे हिस्से दे तौरा उप्पर स्वच्छ भारत अभियान दी रैली दा आयोजन करियै स्वच्छता सरबन्धी जागरूकता फैला गो।

<><><><><><>